

全上古三代秦漢三國六朝文

全漢文卷二十五

烏程嚴可均校輯

東方朔

朔字曼倩，平原厭次人。武帝初，待詔公車，尋待詔金馬門，爲常侍郎，拜太中大夫，給事中。被劾，免爲庶人。待詔宦者署，復爲中郎。有集二卷。

七諫

平生于國兮，長于原墜。言語訥謚兮，又無彊輔。淺智褊能兮，間見又寡。數言便事兮，見怨門下。王不察其長利兮，卒見棄乎原墜。伏念思過兮，無可改者。羣衆成朋兮，上浸曰惑。巧佞在前兮，賢者滅息。堯舜聖已沒兮，孰爲忠直。高山崔嵬兮，水流湯湯。死日將至兮，與麋鹿同坑。塊兮鞠兮，當道宿。舉世皆然兮，余將誰告。斥逐鴻鵠兮，近習鴟梟。斬伐橘柚兮，列樹苦桃。便娟之脩竹兮，寄生乎江潭。上

歲蕤而防露兮。下泠泠而來風。孰知其不合兮。若竹柏之異心。往者不可及兮。來者不可待。悠悠蒼天兮。莫我振理。竊怨君之不寤兮。吾獨死而後已。

初放

惟往古之得失兮。覽私微之所傷。堯舜聖而慈仁兮。後世稱而弗忘。齊桓失于專任兮。夷吾忠而名彰。晉獻惑于嬖姬兮。申生孝而被殃。偃王行其仁義兮。荆文寤而徐亡。紂暴虐而失位兮。周得佐乎呂望。脩往古已行恩兮。封比干之丘壟。賢俊慕而自附兮。日浸淫而合同。明法令而脩理兮。蘭芷幽而有芳。若眾人之妒予兮。箕子寤而佯狂。不顧地已貪名兮。心怫鬱而內傷。聰慧芷已爲佩兮。過鮑肆而失香。正臣端其操行兮。反離謗而見攘。世俗更而變化兮。伯夷餓于首陽。獨廉潔而不容兮。叔齊久而逾明。浮雲陳而蔽晦兮。使日月乎無光。忠臣貞而欲諫兮。讒諛毀而在旁。秋草榮其

將質兮。微霜下而夜降。商風肅而害生兮。百草育而不長。眾竝諧  
曰。如賢兮。孤聖特而易傷。懷計謀而不見用兮。巖穴處而隱藏。成  
功墮而不卒兮。子胥死而不葬。世從俗而變化兮。隨風靡而成行。  
信直退而毀敗兮。虛僞進而得當。追悔過之無及兮。豈盡忠而有  
功。廢制度而不用兮。務行私而去公。終不變而死節兮。惜年齒之  
未央。將方舟而下流兮。冀幸君之發矇。痛忠言之逆耳兮。恨申子  
之沈江。願悉心之所聞兮。遭值君之不聰。不開寤而難道兮。不別  
橫之與縱。聽奸臣之浮說兮。絕國家之久長。滅規槩而不用兮。背  
繩墨之正方。離憂患而乃寤兮。若縱火于秋蓬。業失之而不救兮。  
尙何論乎禍凶。彼離畔而朋黨兮。獨行之士其何望。日漸染而不  
自知兮。秋毫微哉而變容。眾輕積而折軸兮。原咎難而累重。赴湘  
沅之流澌兮。恐逐波而復東。懷沙礫而自沈兮。不忍見君之蔽壅。

沈江

世沈淖而難論兮，俗嶢嶢而嵒嵒。清泠泠而穢滅兮，溷湛湛而日多。梟鴞既已成羣兮，玄鶴弭翼而屏移。蓬艾親入御于牀第兮，馬蘭踈蹕而日加。棄捐葑芷與杜衡兮，余柰世之不知芳何。何周道之平易兮，然蕪穢而險戲。高陽無故而委塵兮，唐虞黜灼而毀議。誰使正其真是兮，雖有八師而不可爲。皇天保其高兮，后土持其久。服清白已逍遙兮，偏與乎玄英異色。西施媿媿而不得見兮，萋母勃屑而日侍。桂蠹不知所淹留兮，蓼蟲不知徙乎葵菜。處溚溚之濁世兮，今安所達乎吾志。意有所載而遠逝兮，固非眾人之所識。騷躊躇于樊葦兮，遇孫陽而得代。呂望窮困而不聊生兮，遭周文而舒志。甯戚飯牛而商歌兮，桓公聞而弗置。路室女之方桑兮，孔子過之目自侍。吾獨乖刺而無當兮，心悼慄而耄思。思比干之怵怵兮，哀子胥之愼事。悲楚人之和氏兮，獻寶玉已爲石。遇厲武之不察兮，羌兩足已畢斲。小人之居勢兮，視忠正之何若。改前聖

之法度兮，喜嘯嘯而妄作。親讒諛而疏賢聖兮，訟謂閭閻爲醜惡。  
愉近習而蔽遠兮，孰知察其黑白。卒不得效其心容兮，安眇眇而  
無所歸。薄專精爽目自明兮，晦冥冥而壅蔽。年旣已過太半兮，然  
罔軻而留滯。欲高飛而遠集兮，恐離岡而滅敗。獨冤抑而無極兮，  
傷精神而壽夭。皇天旣不純命兮，余生終無所依。願自沈于江流  
兮，絕橫流而徑逝。寧爲江海之泥塗兮，安能久見此濁世。

### 怨世

賢士窮而隱處兮，廉方正而不容。子胥諫而靡軀兮，比干忠而剖  
心。子推自割而飮君兮，德日忘而怨深。行明白而日黑兮，荆棘聚  
而成林。江離棄于窮巷兮，蒺藜蔓平東廂。賢者蔽而不見兮，讒諛  
進而相朋。皋鴟竝進而俱鳴兮，鳳皇飛而高翔。願壹往而徑逝兮，  
道壅絕而不通。

### 怨思

居愁慙其誰告兮。獨永思而憂悲。內自省而不慙兮。操愈堅而不  
衰。隱三年而無決兮。歲忽忽其若頽。憐余身不足已。卒意兮。冀一  
見而復歸。哀人事之不幸兮。屬天命而委之臧。池身被疾而不問  
兮。心沸熱其若湯。冰炭不可已相竝兮。吾固知平命之不长。哀獨  
苦死之無樂兮。惜予年之未央。悲不反余之所居兮。恨離予之故  
鄉。鳥獸驚而失羣兮。猶高飛而哀鳴。狐死必首丘兮。夫人孰能不  
反其真情。故人疏而日忘兮。新人近而俞好。莫能行于杳冥兮。孰  
能施于無報。苦眾人之皆然兮。乘回風而遠遊。凌恆山其若陋兮。  
聊愉娛已忘憂。悲虛言之無實兮。苦眾口之鑠金。過故鄉而一顧  
兮。泣戲歔而霑衿。厭白玉已爲面兮。懷琬琰已爲心。邪氣入而感  
內兮。施玉色而外淫。何青雲之流瀾兮。微霜降之蒙蒙。徐風至而  
徘徊兮。疾風過之湯湯。聞南藩樂而欲往兮。至會稽而且止。見韓  
眾而宿之兮。問天道之所在。借浮雲已送予兮。載雌霓而爲旌。駕

青龍已馳騫兮，班衍衍之冥冥。忽容容其安之兮，超慌忽其焉如。  
苦眾人之難信兮，願離羣而遠舉。登巒山而遠望兮，好桂樹之冬  
榮。觀天火之炎燭兮，聽大壑之波聲。引八維以自道兮，含沆瀣以  
長生。居不樂日時思兮，食草木之秋實。飲菌若之朝露兮，構桂木  
而爲室。雜橘柚以爲圓兮，列新夷與椒植。鵬鶴孤而夜號兮，哀居  
者之誠貞。

自悲

哀時命之不合兮，傷楚國之多憂。內懷清之潔白兮，遭亂世而離  
尤。惡耿介之直行兮，世溷濁而不知。何君臣之相失兮，上沅湘而  
分離。測汨羅之湘水兮，知時固而不反。傷離散之交亂兮，遂側身  
而既遠。處玄舍之幽門兮，穴巖石而窟伏。從水蛟而爲徙兮，與神  
龍乎休息。何山石之嶄巖兮，靈魂屈而偃蹇。含素水而蒙深兮，日  
眇眇而既遠。哀形體之離解兮，神邑兩而無舍。惟椒蘭之不反兮，



魂迷惑而不知路。願無過之設行兮。雖滅沒之自樂。痛楚國之流亡兮。哀靈脩之過到。固時俗之溷濁兮。志瞽迷而不知路。念私門之正匠兮。遙涉江而遠去。念女嬃之嬋媛兮。涕泣流乎於悵。我決死而不生兮。雖重追吾何及。戲疾瀨之素水兮。望高山之蹇產。哀高丘之赤岸兮。遂沒身而不返。

哀命

怨靈脩之浩蕩兮。夫何執操之不固。悲太山之爲隍兮。孰江河之可涸。願承問而效志兮。恐犯忌而干諱。卒撫情以寂寞兮。然怛悵而自悲。玉與石其同毀兮。貫魚眼與珠璣。駑駿雜而不分兮。服罷牛而驟驥。年滔滔而自遠兮。壽冉冉而愈衰。心慘憺而煩冤兮。蹇超搖而無冀。固時俗之工巧兮。滅規矩而改錯。卻騏驥而不乘兮。策鴛駘而取路。當世豈無騏驥兮。誠無王良之善馭。見執轡者非其人兮。故駒跳而遠去。不量鑿而正枘兮。恐桀黜之不同。不論世

而高舉兮。恐操行之不調。弧弓弛而不張兮。孰云知其所至。無傾危之患難兮。焉知賢士之所死。俗推佞而進富兮。節行張而不著。賢良蔽而不羣兮。朋曹比而黨譽。邪說飾而多曲兮。正法弧而不公。直士隱而避匿兮。諛諛登乎明堂。棄彭咸之娛樂兮。滅巧倖之繩墨。崑路雜于廢蒸兮。機蓬矢已射革。駕蹇驢而無策兮。又何路之能極。已直鍼而爲釣兮。又何魚之能得。伯牙之絕弦兮。無鍾子期而聽之。和抱璞而泣血兮。安得良工而剖之。同音者相和兮。同類者相侶。飛鳥號其羣兮。鹿鳴求其友。故叩宮而宮應兮。彈角而角動。虎嘯而谷風至兮。龍舉而景雲往。音聲之相和兮。言物類之相感也。夫方圓之異形兮。勢不可已相錯。列子隱身而窮處兮。世莫可已寄託。眾鳥皆有行列兮。鳳獨翔翔而無所薄。經濁世而不得志兮。願側身巖穴而自託。欲聞口而無言兮。嘗被君之厚德。獨便情而懷毒兮。愁鬱鬱之焉極。念三年之積思兮。願壹見而陳詞。

不及君而騁說兮，世孰可爲明之。身寢疾而日愁兮，情沈抑而不揚。眾人莫可與論道兮，悲精神之不通。

謬諫

亂曰：鸞皇孔鳳，日已遠兮。畜鳬鴛鵲，雞鵲滿堂。壇兮鼃鼃，游乎華池。要襲奔亡兮，騰駕橐駝。鉛刀進御兮，遙棄太阿。拔舉玄芝兮，列樹芋荷。橘柚萎枯兮，苦李旖旎。厥厥登于明堂兮，周鼎潛乎深淵。自古而固然兮，吾又何怨乎今之人。楚辭

嗟伯夷

窮隱處兮，窟穴自藏。其隨接而得志兮，不若從孤竹于首陽。北堂書鈔

一百五十八

上書自薦

臣朔少失父母，長養兄嫂。年十二學書，三冬文史足用。十五學擊劍，十六學詩書，誦二十二萬言。十九學孫吳兵法，戰陳之具，鉦鼓

之教亦誦二十二萬言。凡臣朔固已誦四十四萬言。又常服子路之言。臣朔年二十二。長九尺三寸。目若懸珠。齒若編貝。勇若孟賁。捷若慶忌。廉若鮑叔。信若尾生。若此。可曰爲天子大臣矣。臣朔昧死再拜。曰聞。

漢書東  
方朔傳

諫除上林苑

臣聞謙遜靜慙。天表之應。應之曰福。驕溢靡麗。天表之應。應之曰異。今陛下累郎臺。恐其不高也。弋獵之處。恐其不廣也。如天不爲變。則三輔之地。盡可曰爲苑。何必整屋鄠杜乎。奢侈越制。天爲之變。上林雖小。臣尙曰爲大也。夫南山天下之阻也。南有江淮。北有河渭。其地從汧隴。東商雒。西厥壤肥饒。漢興去三河之地。止霸產。曰西都。涇渭之南。此所謂天下陸海之地。秦之所曰虜西戎。兼山東者也。其山出玉石金銀銅鐵。豫章檀栢異類之物。不可勝原。此百工所取給。萬民所仰足也。又有杭稻。粱粟。桑麻。竹箭之饒。

土宜薑芋水多掘魚貧者得日人給家足無飢寒之憂故豐鎬之間號爲土膏其賈畝一金今規曰爲苑絕陂池水澤之利而取民膏腴之地土乏國家之用下奪農桑之業棄成功就敗事損耗五穀是其不可一也且盛荆棘之林而長養麋鹿廣狐兔之苑大虎狼之虛又壞人冢墓發人室廬令幼弱懷土而思耆老涕泣而悲是其不可二也斥而營之垣而固之騎馳東西車騖南北又有深溝大渠夫一日之樂不足曰危無隄之輿是其不可三也故務苑之大不恤農時非所曰彊國富人也夫殷作九市之宮而諸侯叛靈王起章華之臺而楚民散秦興阿房之殿而天下亂糞土愚臣忘生觸死逆聖意犯隆指罪當萬死不勝大願願陳泰階六符曰觀天變不可不省

漢書東方朔傳

化民有道對

堯舜禹湯文武成康上古之事經歷數千載尙難言也臣不敢陳

願近述孝文皇帝之時。當世耆老皆聞見之。貴爲天子。富有四海。身衣弋綈。足履革舄。曰韋帶劍。莞蒲爲席。兵木無刃。衣縵亡文。集上書囊。曰爲殿帷。曰道德爲麗。曰仁義爲準。于是天下望風成俗。昭然化之。今陛下曰城中爲小閭。起建章。左鳳闕。右神明。號稱千門萬戶。木土衣綺繡。狗馬被繒罽。宮人簪璫珥。垂珠璣。設戲車。敍馳逐。飾文朱。鼓珍怪。撞犒石之鐘。擊雷霆之鼓。作俳優。舞鄭女。上爲淫侈如此。而欲使民獨不奢侈。失農事之難者也。陛下誠能用臣朔之計。推甲乙之帳。燔之。于四通之衢。卻走馬。示不復用。則堯舜之隆。宜可與比治矣。易曰。正其本。萬事理。失之毫釐。差以千里。願陛下留意察之。

漢書東方朔傳

劉詔

凌山越海。窮天乃止。

文選海賦注

臨終諫天子

詩云營營青蠅止于藩愷悌君子無信讒言讒言罔極交亂四國  
願陛下遠巧佞退讒言史記褚先生補傳

與公孫弘借車書

蓋聞爵祿不相責曰禮同類之游不曰遠近為敘是曰東門先生  
居蓬戶空穴之中而魏公子一朝曰百騎尊寵之呂望未嘗與文  
王同席而坐一朝讓曰天下半大丈夫相知何必撫塵而游垂髮  
齊年偃伏曰日數哉初學記十八御覽四百十

朔當從甘泉願借外廡之後乘木槿夕死朝榮士亦不畏貧也文類聚八十九

與友人書

不可使塵網名韁拘鎖怡然長笑脫去十洲三島相期拾瑤草吞  
日月之光華共輕舉耳  
非有先生論

非有先生仕于吳，進不能稱往古，退不能揚君美，已顯其功，默然無言者三年矣。吳王怪而問之曰：寡人獲先人之功，寄于眾賢之上，夙興夜寐，未嘗敢怠也。今先生率然高舉遠集吳地，將曰輔治寡人，誠竊慕之，體不安席，食不甘味，目不視靡曼之色，耳不聽鐘鼓之音，虛心定志，欲聞流議者三年于茲矣。今先生進無曰輔治，退不揚主譽，竊爲先王不取也。蓋懷能而不見，是不忠也；見而不行，主不明也；意者寡人殆不明乎？非有先生伏而唯唯，吳王曰：可曰談矣。寡人將竦意而聽焉。先生曰：於戲可乎哉！可乎哉！談何容易！夫談者有悖于目而佛于耳，謬于心而便于身者，或有說于目，順于耳，快于心，而毀于行，非有明王聖主，孰能聽之矣。吳王曰：何爲其然也？中人曰：上可曰語上也，先生試言，寡人將覽焉。先生對曰：昔關龍逢深諫于桀，而王子比干直言于紂，此二臣者，皆極慮盡忠，閔主澤不下流，而億民騷動，故直言其失，切諫



其邪者將曰爲君之榮除主之禍也。今則不然。反曰爲誹謗君之行。無人臣之禮。果紛然傷于身。蒙不幸之名。戮及先人。爲天下笑。故曰談何容易。是曰輔弼之臣瓦解。而邪詔之人竝進。遂及飛廉惡來革等三人。皆詐僞巧言利口。曰進其身。陰奉彫琢刻鏤之好。曰納其心。務快耳目之欲。曰苟容爲度。遂往不戒。身沒被戮。宗廟崩弛。國家爲墟。殺戮賢臣。親近讒夫。詩不云乎。讒人罔極。交亂四國。此之謂也。故卑身賤體。說色微辭。愉愉煦煦。終無益于主上之治。卽志士仁人不忍爲也。將儼然作矜莊之色。深言直諫。上曰拂人主之邪。下曰損百姓之害。則忤于邪主之心。歷于衰世之法。故養壽命之士莫肯進也。遂居深山之間。積土爲室。編蓬爲戶。彈琴其中。曰詠先王之風。亦可曰樂而忘死矣。是曰伯夷叔齊避周餓于首陽之下。後世稱其仁如是邪。主之行固足畏也。故曰談何容易。于是吳王懼然易容。捐薦去几。危坐而聽。先生曰。接輿避世。箕

子被髮佯狂。此二子者。皆避濁世。曰全其身者也。使遇明王聖主。得賜清讌之間。寬和之色。發憤畢誠。圖畫安危。揆度得失。上曰安主體。下曰便萬民。則五帝三王之道。可幾而見也。故伊尹蒙恥辱。負鼎俎。和五味。曰干湯。太公釣于渭之陽。曰見文王。心合意同。謀無不成。計無不從。誠得其君也。深思遠慮。引義曰正其身。推恩曰廣其下。本仁祖誼。褒有德。祿賢能。誅惡亂。總遠方。壹統類。美風俗。此帝王所由昌也。上不變天性。下不奪人倫。則天地和洽。遠方懷之。故號聖王。臣子之職。既加矣。于是裂地定封。爵爲公侯。傳國子孫。名顯後世。民到于今稱之。曰遇湯與文王也。太公伊尹曰如此。龍逢比干。獨如彼。豈不哀哉。故曰談何容易。于是吳王穆然。俛而深惟。仰而泣下。交頤曰。嗟乎。余國之不亡也。綿綿連連。殆哉。世之不絕也。于是正明堂之朝。齊君臣之位。舉賢才。布德惠。施仁義。賞有功。躬親節儉。減後宮之費。捐車馬之用。放鄭聲。遠佞人。省庖厨。

去侈靡卑宮館壞苑囿填池塹已與貧民無產業者開內藏振貧窮存耆老恤孤獨薄賦斂省刑罰行此三年海內晏然天下大治陰陽和調萬物咸得其宜國無災害之變民無飢寒之色家給人足畜積有餘囹圄空虛鳳皇來集麒麟在郊甘露既降朱草萌芽遠方異俗之人嚮風慕義各奉其職而來朝賀故治亂之道存亡之端若此易見而君人者莫肯爲也臣愚竊以爲過故詩曰王國克生惟周之貞濟濟多士文王曰寧此之謂也

漢書東方朔傳文選藝文類聚二十

隱眞論

處天地之先不目爲長在萬古之下不目爲久隨時應變與物俱

化

釋藏陪字號唐釋法琳辨正論

答客難

客難東方朔曰蘇秦張儀一當萬乘之主而都卿相之位澤及後

世今子大夫脩先王之術慕聖人之義諷誦詩書百家之言不可勝數著于竹帛唇腐齒落服膺而不釋好學樂道之效明白甚矣自己智能海內無雙則可謂博聞辯智矣然悉力盡忠已事聖帝曠日持久官不過侍郎位不過執戟意者尙有遺行邪同胞之徒無所容居其故何也東方先生喟然長息仰而應之曰是固非子之所能備也彼一時也此一時也豈可同哉夫蘇秦張儀之時周室大壞諸侯不朝力政爭權相禽已兵并爲十二國未有雌雄得士者彊失士者亡故談說行焉身處尊位珍寶充內外有廩倉澤及後世子孫長享今則不然聖帝流德天下震懼諸侯賓服遠四海之外已爲帶安于覆盂動猶運之掌賢不肖何已異哉遵天之道順地之理物無不得其所故綏之則安動之則苦尊之則爲將卑之則爲虜抗之則在青雲之上抑之則在深泉之下用之則爲虎不用則爲鼠雖欲盡節效情安知前後夫天地之大士民之衆

竭精談說竝進幅湊者不可勝數悉力募之困于衣食或失門戶使蘇秦張儀與僕竝生于今之世曾不得掌故安敢望常侍郎乎故曰時異事異雖然安可已不務脩身乎哉詩云鼓鐘于宮聲聞于外鶴鳴于九皋聲聞于天苟能脩身何患不榮太公體行仁義七十有二延設用于文武得信厥說封于齊七百歲而不絕此士所矚日夜孳孳敏行而不敢怠也辟若鸛鳴飛且鳴矣傳曰天不爲人之惡寒而輟其冬地不爲人之惡險而輟其廣君子不爲小人之匆匆而易其行天有常度地有常形君子有常行君子道其常小人計其功詩云禮義之不愆何恤人之言故曰水至清則無魚人至察則無徒冕而前旒所已蔽明黻纁充耳所已塞聰明有所不見聰有所不聞舉大德赦小過無求備于一人之義也在而直之使自得之優而柔之使自求之揆而度之使自索之蓋聖人教化如此欲自得之目得之則敏且廣矣今世之處士魁然無徒

廓然獨居上觀許由下察接輿計同范蠡忠合子胥天下和平與  
義相扶寡耦少徒固其宜也子何疑于我哉若夫燕之用樂毅秦  
之任李斯酈食其之下齊說行如流曲從如環所欲必得功若丘  
山海內定國家安是遇其時也子又何怪之邪語曰日筦闕天日  
蝨測海日甚撞鐘豈能通其條貫考其文理發其音聲哉絲是觀  
之譬猶蹢躅之襲狗孤豚之咋虎至則靡耳何功之有今日下恩  
而非處士雖欲勿困固不得已此適足曰明其不知權變而終惑  
于大道也

漢書本傳 文選  
藝文類聚二十五

荅驃騎難

干將莫邪天下之利劍也水斷鵠雁陸斷馬牛將曰補履曾不如  
一錢之錐騏驎綠耳蜚鴻驂騑天下良馬也將曰捕鼠于溪宮之  
中曾不如跛猫

十洲記序

臣學仙者耳。非得道之人。曰國家盛美。特招延儒。墨于文網之內。抑絕俗之道。摺虛詭之迹。臣故韜隱逸而赴玉庭。藏養生而侍朱關矣。亦由尊上好道。且復欲徇佯威儀也。曾隨師主之履行。北至朱陵扶桑之國。溽海冥夜之丘。純陽之陵。始青之下。月宮之間。內游七丘。中旋十洲。踐赤縣而遊五嶽。行陂澤而息名山。臣自少及今。周流六天。涉歷八極。于是矣。未若陵虛之子。飛真之官。上下九天。洞視百方。北極鉤陳。而并華蓋。南翔太丹。而栖大夏。東之通陽之霞。西薄寒穴之野。日月所不逮。星漢所不與。其上無復物。其下無復底。臣之所識。始愧不足。曰酬廣訪矣。

旱頌

維昊天之大旱。失精和之正理。遙望白雲之鄧瀆。滌瞳瞳而亡止。陽風吸習而熇熇。羣生閔懣而愁憤。隴畝枯槁而允布。壤石相聚而爲害。農夫垂拱而無爲。釋其耒鋤而下涕。悲壇畔之遭禍。痛皇

天之靡濟就文類

寶璽銘

寶雲生千露壇祥風起于月館望三壺如盈尺視八鴻如紫帶王

年拾遺記

誠子

明者處世莫尚于中漢書東方朔傳贊作上容應優哉游哉與道

相從首陽為拙柳惠漢書作柱下為工飽食安步日仕代農漢書

農依隱玩世詭時不逢是故才盡者身危好名者得華有羣者累

生孤貴者失和遺餘者不圓自盡者無多聖人之道一龍一蛇形

見神藏與物變化隨時之宜無有常家就文類聚二十三

東方朔占案隋志五行家有東方朔歲占一卷又有東方朔占二

方朔占候水旱下人善惡一卷凡六種

開元占經引見統稱東方朔占今從之

子日東風卯日雨丑日東風辰日雨寅日東風巳日雨卯日東風



午日雨辰日東風未日雨巳日東風申日雨午日東風卽日雨未  
日東風申日雨申日東風子日雨酉日東風丑日雨戌日東風寅  
日雨亥日東風辰日雨甲子日雨丙寅止乙丑日雨丁卯止丙  
寅日雨卽日止丁卯雨夕止戊辰雨夜半止己巳雨立止庚午日  
雨辛未止辛未日雨戌寅止壬申日雨卽日止癸酉日雨甲戌止  
甲戌日雨卽時止案此下有脫文己卯日雨立止庚辰日雨卽止辛巳日  
雨癸未止壬午日雨卽日止癸未日雨甲申止甲申日雨卽止乙  
酉日雨丙戌止丙戌日雨卽止丁亥日雨卽時止戊子日雨庚寅  
止己丑日雨庚寅止庚寅日雨卽時止辛卯日雨卽止壬辰日雨  
辛丑止癸巳日雨夕止甲午日雨卽時止乙未日雨丁酉止丙申  
日雨夕止丁酉日雨己亥止戊戌日雨辛丑止己亥日雨卽止庚  
子日雨壬辰止辛丑日雨壬寅止壬寅日雨卽止癸卯日雨卽時  
止甲辰日雨卽止乙巳日雨丙午止丙午日雨卽止丁未日雨卽

時止戊申日雨庚戌止己酉日雨辛亥止庚戌日雨即止辛亥日  
雨癸丑止壬子日雨癸丑止癸丑日雨即時止甲寅日雨即止乙  
卯日雨丙辰止丙辰日雨丁巳止丁巳日雨即時止戊午日雨即  
止己未日雨即止庚申日雨即止辛酉日雨即時止壬戌日雨即  
時止癸亥日雨即時止子日雨立止不止寅日止丑日雨寅日  
止不止至卯日止寅日雨即止不止卯日止卯日雨即止不止巳  
日止辰日雨巳日止巳日雨未日止不止申日止午日雨立止不  
止至十日陰未日雨申日止不止戌日止申日雨夕止見月不見  
日久陰酉日雨立止不止久陰戌日雨立止不止久陰亥日雨立  
止不止久陰此其大概也開元占經九十二

凡霧氣不順四時逆相交錯微風小雨爲陰陽氣亂之象從寅至  
辰巳巳上而復始爲逆者不成積日不解者晝夜昏闇天下欲  
分離開元占經一百一

正月朔日雨歲中下田麥成禾黍小貴三月得已朔大麥熟庚  
朔禾熟兵賊起辛朔下田不收壬朔赤地千里米穀貴癸朔熟  
三月有三卯大豆好無三卯旱種禾四月丙朔夏苗長四月無  
三卯旱種麻常巳正月一日夜半子時候東方有黃色雲者春  
大赦南方有黃色雲者夏有赦西方有黃色雲者秋有赦北方有  
黃色雲者冬有赦雜者皇太子有赦有黑雲雜者必有皇后若女  
子之赦開元占經  
一百十一

賜進士出身一品銜廣東等處提刑按察使司按察使兼管驛傳事務黃岡王毓藻校刊

全漢文卷二十六

烏程嚴可均校輯

唐蒙

蒙建元中爲番陽令元光中呂卽中通夜郎

上書請通夜郎

南越王黃屋左纛地東西萬餘里名爲外臣實一州主也今呂長沙豫章往水道多絕難行竊聞夜郎所有精兵可得十餘萬浮船牂柯江出其不意此制越一奇也誠呂漢之疆巴蜀之饒通夜郎道爲置吏易甚

史記西南夷傳又見漢書西南夷傳

張騫

騫漢中成固人建元中爲郎使西域再爲匈奴所獲歷十三歲亡歸拜太中大夫元朔末從衛青出塞有功封博望侯元狩中遷衛尉出塞後期論斬贖爲庶人後拜中郎將復使西域還拜

大行

具言西域地形

大宛在匈奴西南在漢正西去漢可萬里其俗土著耕田田稻麥有蒲陶酒多善馬馬汗血其先天馬子也有城郭屋室其屬邑大小七十餘城眾可數十萬其兵弓矛騎射其北則康居西則大月氏西南則大夏東北則烏孫東則扞采干寘干寘之西則水皆西流注西海其東水東流注鹽澤鹽澤潛行地下其南則河源出焉多玉石河注中國而樓蘭姑師邑有城郭臨鹽澤鹽澤去長安可五千里匈奴右方居鹽澤已東至隴西長城南接羌南漢道焉

大宛傳塞使西域還具爲天子言之

言通大夏宜從蜀

臣在大夏時見印竹杖蜀布問曰安得此大夏國人曰吾賈人往市之身毒身毒在大夏東南可數千里其俗土著大與大夏同而

卑涇暑熱云其人民乘象曰戰其國臨大水焉曰焉度之大夏去漢萬二千里居漢西南今身毒國又居大夏東南數千里有蜀物此其去蜀不遠矣今使大夏從羌中險羌人惡之少北則爲匈奴所得從蜀宜徑又無寇

史記大宛傳又見漢書張騫傳

請招烏孫居渾邪故地

臣居匈奴中間烏孫王號昆莫昆莫父難兜靡本與大月氏俱在祁連敦煌間小國也大月氏攻殺難兜靡奪其地人民亡走匈奴子昆莫新生傳父布就翎侯抱亡置草中爲求食還見狼乳之又烏銜肉翔其旁曰爲神遂持歸匈奴單于愛養之及壯曰其父民眾與昆莫使將兵數有功時月氏已爲匈奴所破西擊塞王塞王南走遠徙月氏居其地昆莫旣健自請單于報父怨遂西攻破大月氏大月氏復西走徙大夏地昆莫略其眾因畱居兵稍彊會單于死不肯復朝事匈奴匈奴遣兵擊之不勝益曰爲神而遠之今

單于新困于漢而昆莫地空蠻夷戀故地又貪漢物誠曰此時厚  
賂烏孫招曰東居故地漢遣公主爲夫人結昆弟其勢宜聽則是  
斷匈奴右臂也既連烏孫自其西大夏之屬皆可招來而爲外臣  
漢書張  
騫傳

論指烏孫

烏孫能東居渾邪地則漢遣翁主爲昆莫夫人史記大宛傳

許哀

哀初學記  
作令哀爵里未詳

明堂議

聖人之教制作之象所曰法天地比類陰陽曰成宮室本之太古  
曰昭令德茅屋采椽土階素輿越席皮弁蓋輿黃帝堯舜之世是  
曰三代脩之也三輔黃圖明堂在長安西南七里孝武議立  
明堂于長安城南許哀等議又見初學記十三

司馬談

談河內人建元中爲太史令元封初卒

祠后土議

天地牲角璽栗今陛下親祠后土后土宜于澤中圓丘爲五壇壇

一黃犢大牢具已祠盡瘞而從祠衣上黃史記封禪書有司與太史公祠官寬舒議案

事在元狩二年漢書郊祀志上太史公作太史令談師古曰談卽司馬談也

議立太時壇

神靈之休祐福兆祥宜因此地光域立太時壇曰明應令太祝領

秋及臘間祠三歲天子一郊見史記封禪書是夜有美光及晝黃氣上屬天太史公祠官寬舒等曰

又見漢書郊祀志上

論六家要指

易大傳曰天下一致而百慮同歸而殊塗夫陰陽儒墨名法道德

此務爲治者也直所從言之異路有省不省耳嘗竊觀陰陽之術

太詳而衆忌諱使人拘而多畏然其敘四時之大順不可失也儒



者博而寡要，勞而少功，是已其事，難盡從。然其敘君臣父子之禮，列夫婦長幼之別，不可易也。墨者儉而難遵，是已其事，不可徧循。然其疆本節用，不可廢也。法家嚴而少恩，然其正君臣上下之分，不可改也。名家使人儉而善失實，然其正名實，不可不察也。道家使人精神專一，動合無形，澹足萬物，其爲術也，因陰陽之大順，采儒墨之善，撮明法之要，與時遷徙，應物變化，立俗施事，無所不宜，指約而易操，事少而功多。儒者則不然，已爲人主，天下之儀表也，君唱臣和，主先臣隨。如此則主勞而臣佚，至于大道之要，去健羨，黜聰明，釋此而任術，夫神大用則竭，形大勞則敝，神形蚤衰，欲與天地長久，非所聞也。夫陰陽四時八位十二度二十四節各有敎令，日順之者昌，逆之者亡，未必然也。故曰：使人拘而多畏，夫春生夏長，秋收冬藏，此天道之大經也。弗順則無已爲天下紀綱。故曰：四時之大順，不可失也。夫儒者已六藝爲法，六藝經傳已千萬數。

累世不能通其學、當年不能究其禮、故曰博而寡要、勞而少功。若夫列君臣父子之禮、序夫婦長幼之別、雖百家弗能易也。墨者亦上堯舜、言其德行、曰：堂高三尺、土階三等、茅茨不剪、採椽不斲、飯土簋、飲土刑、糲粱之食、藜藿之羹、夏日葛衣、冬日鹿裘。其送死、桐棺三寸、舉音不盡其哀、敎喪禮必曰：此爲萬民率。故天下共若此、則尊卑無別也。夫世異時移、事業不必同。故曰：儉而難遵也。要曰：彊本節用、則人給家足之道也。此墨子之所長。雖百家不能廢也。法家不別親疏、不殊貴賤、壹斷于法、則親親尊尊之恩絕矣。可已行一時之計、而不可長用也。故曰：嚴而少恩。若尊主卑臣、明分職、不得相踰越、雖百家不能改也。名家苛察徼繞、使人不得反其意、鄢決于名、時失人情。故曰：使人儉而善失真。若夫控名責實、參伍不失、此不可不察也。道家無爲、又曰：無不爲、其實易行、其辭難知。其術曰：虛無爲本、曰：因循爲用、無成勢、無常形、故能究萬物之情。

不爲物先後故能爲萬物主有法無法因時爲業有度無度因物與舍故曰聖人不朽時變是守虛者道之常也因者君之綱也羣臣竝至使各自明也其實中其聲者謂之端實不中其聲者謂之款款言不聽姦迺不生賢不肖自分白黑迺形在所欲用耳何事不成迺合大道混混冥冥光耀天下復反無名凡人所生者神也所託者形也神大用則竭形大勞則敝形神離則死死者不可復生離者不可復合故聖人重之繇此觀之神者生之本形者生之具不先定其神形而曰我有曰治天下何繇哉

漢書司馬遷傳

司馬遷

遷字子長談子元封中爲太史令天漢中坐罪宮刑後爲中書令有史記一百三十卷集一卷

悲士不遇賦

悲夫士生之不辰愧顧影而獨存恆克己而復禮懼志行之無聞

諒才蹕而世戾將逮死而長勤雖有形而不彰徒有能而不陳何窮達之易惑信美惡之難分時悠悠而蕩蕩將遂屈而不伸便公于公者彼我同兮私于私者自相悲兮天道微哉文選張衡歸田賦注作天道悠昧又司馬彪贈山濤詩注陸機塘上行吁嗟閭兮人理顯然相傾注作天道悠昧人理促兮則時涉下句吁嗟閭兮人理顯然相傾奪兮好生惡死才之鄙也好貴夷賤哲之亂也炤炤洞達胸中豁也昏昏罔覺內生毒也我之心矣哲已能忖我之言矣哲已能選沒世無聞古人惟恥朝聞夕死孰云其否逆順還周乍沒乍起理不可據智不可恃二句從文選江淹詩建平王上書注補無造福先無觸禍始委之自然終歸一矣蘇文類聚三十

報任少卿書

太史公牛馬走司馬遷再拜言少卿足下曩者辱賜書教已順于接物推賢進士爲務意氣懃懃懇懇若望僕不相師而用流俗人之言僕非敢如此也僕雖罷駑亦嘗側聞長者之遺風矣願自目

爲身殘處穢動而見尤欲益反損是已獨鬱悒而誰與語諺曰誰爲爲之孰令聽之蓋鍾子期死伯牙終身不復鼓琴何則士爲知己者用女爲說已者容若僕大質已虧缺矣雖才懷隨和行若由夷終不可曰爲榮適足曰見笑而自黜耳書辭宜荅會東從上來又迫賤事相見日淺卒卒無須臾之間得竭至意今少卿抱不測之罪涉旬月迫季冬僕又薄從上雍恐卒然不可爲諱是僕終已不得舒憤懣曰曉左右則長逝者魂魄私恨無窮請略陳固陋闕然久不報幸勿爲過僕聞之脩身者智之符也愛施者仁之端也取與者義之表也恥辱者勇之決也立名者行之極也士有此五者然後可曰託于世而列于君子之林矣故禍莫憚于欲利悲莫痛于傷心行莫醜于辱先誦莫大于宮刑刑餘之人無所比數非一世也所從來遠矣昔衛靈公與雍渠同載孔子適陳商鞅因景監見趙良寒心同子參乘袁絲變色自古而恥之夫曰中才之人

事有關於宦豎莫不傷氣而況于慷慨之士乎。如今朝廷雖乏人  
柰何令刀鋸之餘薦天下豪俊哉。僕賴先人緒業得待罪輦轂下  
二十餘年矣。所曰自惟上之不能納忠效信有奇策才力之譽自  
結明主。次之又不能拾遺補闕招賢進能顯嚴穴之士。外之又  
不能備行伍攻城野戰有斬將搃旗之功。下之不能積日累勞取尊  
官厚祿。曰爲宗族交遊光寵。四者無一遂苟合取容無所短長之  
效。可見如此矣。嚮者僕常廁下大夫之列陪外廷末議不曰此時  
引綱維盡思慮。今日虧形爲掃除之隸在闕茸之中乃欲仰首伸  
眉論列是非不亦輕朝廷羞當世之士邪。嗟乎嗟乎如僕尙何言  
哉。尙何言哉。且事本末未易明也。僕少負不羈之行長無鄉曲之  
譽。主上幸曰先人之故使得奏薄伎出入周衛之中。僕曰爲戴盆  
何曰望天。故絕賓客之知亡室家之業。日夜思竭其不肖之才力  
務一心營職。曰求親媚于主上而事乃有大謬不然者。夫僕與李

陵俱居門下。素非能相善也。趣舍異路。未嘗銜盃酒接慇懃之餘。慨然僕觀其爲人。自守奇士。事親孝。與士信。臨財廉。取與義。分別有讓。恭儉下人。常思奮不顧身。已徇國家之急。其素所蓄積也。僕已爲有國士之風。夫人臣出萬死。不顧一生之計。赴公家之難。斯已奇矣。今舉事一不當。而全軀保妻子之臣。隨而媒孽其短。僕誠私心痛之。且李陵提步卒不滿五千。深踐戎馬之地。足歷王庭。垂餌虎口。橫挑疆胡。仰億萬之師。與單于連戰十有餘日。所殺過半。當虜救死扶傷。不給旃裘之君長咸震怖。乃悉徵其左右賢王。舉引弓之人。一國共攻而圍之。轉鬬千里。矢盡道窮。救兵不至。士卒死傷如積。然陵一呼勞軍。士無不起。躬自流涕。沫血飲泣。更張空拳。冒白刃。北嚮爭死。敵者陵未沒時。使有來報。漢公卿王侯皆奉觴上壽。後數日。陵敗書聞。主上爲之食不甘味。聽朝不怡。大臣憂懼。不知所出。僕竊不自料其卑賤。見主上慘愴怛悼。誠欲效其款

款之愚。曰爲李陵素與士大夫絕甘分少。能得人死力。雖古之名將不能過也。身雖陷敗。彼觀其意。且欲得其當。而報于漢。事已無可奈何。其所摧敗。功亦足。曰暴于天下矣。僕懷欲陳之。而未有路。適會召問。卽曰此指。推言陵之功。欲曰廣主上之意。塞睚眦之辭。未能盡明。明主不曉。曰爲僕沮貳師。而爲李陵遊說。遂下于理。拳拳之忠。終不能自列。因爲誣上。卒從吏議。家貧貨賂不足。曰自贖。交遊莫救。左右親近不爲一言。身非木石。獨與法吏爲伍。深幽圜圜之中。誰可告愬者。此真少卿所親見。僕行事豈不然乎。李陵旣生降。隕其家聲。而僕又佁之蠶室。重爲天下觀笑。悲夫。悲夫。事未易一二爲俗人言也。僕之先非有剖符丹書之功。文史星厯近乎卜視之間。固主上所戲弄。倡優所畜。流俗之所輕也。假令僕伏法受誅。若九牛亡一毛。與螻蟻何。曰異。而世又不與能死節者。特曰爲智窮罪極。不能自免。卒就死耳。何也。素所自樹立使然也。人固



有一死或重于太山或輕于鴻毛用之所趨異也太上不辱先其次不辱身其次不辱理色其次不辱辭令其次詘體受辱其次易服受辱其次關木索被箠楚受辱其次剔毛髮嬰金鐵受辱其次毀肌膚斷肢體受辱最下腐刑極矣傳曰刑不上大夫此言士節不可不勉勵也猛虎在深山百獸震恐及在檻穽之中搖尾而求食積威約之漸也故有畫地爲牢勢不可入削木爲吏議不可對定計于鮮也今交手足受木索暴肌膚受榜箠幽于圜牆之中當此之時見獄吏則頭搶地視徒隸則正惕息何者積威約之勢也及已至是言不辱者所謂強顏耳曷足貴乎且西伯伯也拘于美里李斯相也具于五刑淮陰王也受械于陳彭越張敖南面稱孤繫獄抵罪絳侯誅諸呂權傾五伯囚于請室魏其大將也衣赭衣關三木季布爲朱家鉗奴灌夫受辱于居室此人皆身至王侯將相聲聞鄰國及罪至罔加不能引決自裁在塵埃之中古今一體

安在其不辱也。由此言之，勇怯勢也，強弱形也，審矣。何足怪乎？夫人不能早自裁，繩墨之外，已稍陵遲。至于鞭箠之間，乃欲引節，斯不亦遠乎？古人所曰重施刑于大夫者，殆爲此也。夫人情莫不貪生惡死，念父母，顧妻子，至激于義理者，不然，乃有所不得已也。今僕不幸，早失父母，無兄弟之親，獨身孤立，少卿視僕于妻子何如哉？且勇者不必死節，怯夫慕義，何處不免焉。僕雖怯懦，欲苟活，亦頗識去就之分矣。何至自沈溺縲紲之辱哉？且夫臧獲婢妾，由能引決，況僕之不得已乎？所曰隱忍苟活，幽于圜牆之中，而不辭者，恨私心有所不盡，鄙陋沒世，而文彩不表于後世也。古者富貴而名摩滅，不可勝記；唯倜儻非常之人，稱焉。蓋文王拘而演《周易》，仲尼厄而作《春秋》；屈原放逐，乃賦《離騷》；左丘失明，厥有《國語》；孫子膑腳，兵法脩列；不韋遷蜀，世傳《呂覽》；韓非囚秦，說難孤憤。《詩》三百篇，大抵聖賢發憤之所爲作也。此人皆意有鬱結，不得通其道，故述

往事思來者。乃如左丘無目。孫子斷足。終不可用。退而論書策。曰舒其憤懣。垂空文。曰自見。僕竊不遜。近自託于無能之辭。網羅天下。放失舊聞。略攷其行事。綜其終始。稽其成敗興壞之紀。上計軒轅。下至于茲。爲十表。本紀十二。書八章。世家三十。列傳七十。凡百三十篇。亦欲曰究天人之際。通古今之變。成一家之言。草創未就。會遭此禍。惜其不成。已就極刑。而無愠色。僕誠曰。著此書。藏諸名山。傳之其人。通邑大都。則僕償前辱之責。雖萬被戮。豈有悔哉。然此可爲智者道。難爲俗人言也。且負下未易居。下流多謗議。僕曰。口語遇此禍。重爲鄉黨所笑。曰汙辱先人。亦何面目復上父母丘墓乎。雖累百世。垢彌甚耳。是曰腸一日而九迴。居則忽忽若有所亡。出則不知其所往。每念斯恥。汗未嘗不發。背沾衣也。身直爲閭閻之臣。寧得自引深藏於巖穴邪。故且從俗浮沈。與時俯仰。曰逆其狂惑。今少卿乃敎曰推賢進士。無乃與僕私心刺謬乎。今雖欲

自雕琢曼辭，曰自飾，無益于俗，不信，適足取辱耳。要之死日，然後是非乃定。書不能悉意，略陳固陋，謹再拜。漢書本傳文選案本傳有刪節

與摯伯陵書

遷聞君子所貴乎道者三：太上立德，其次立功，其次立言，伏惟伯陵材能絕人，高尚其志，曰善厥身，冰清玉潔，不曰細行，積累其名，固已貴矣。然未盡太上之所繇也。願先生少致意焉。高士傳

素王妙論

計然者，葵邱濮上人，其先晉國公子也，姓辛氏，字文嘗，南游越，范蠡師事之。御覽四百四

諸稱富者，非貴其身得志也，乃貴恩覆子孫而澤及鄉里也。黃帝設五法布之天下，用之無窮，蓋世有能知者，莫不尊親如范子，可謂曉之矣。子貢呂不韋之徒，頗預焉，自是已後，無其人。曠絕三百有餘年，管子設輕重九府，行伊尹之術，則桓公曰霸，九合諸侯，一

匡天下范蠡爲越相三江五湖之間民富國強卒曰擒吳功成而弗居變名易姓之陶自謂朱公行十術之計二十一年之間三致千萬再散與貧御覽四百七十二  
國學紀聞二十

摯峻

峻字伯陵京兆長安人隱于阡山

報司馬子長書

峻聞古之君子料能而行度德而處故悔吝去于身利不可言虛受名不可言苟得漢興以來帝王之道于斯始顯能者見利不肖者自屏亦其時也周易大君有命小人勿用徒欲偃仰從容言送餘齒耳高士傳

有能者見鋒穎之秋豪

文選潘岳爲賈長淵作贈陸機詩注案吳都賦注作有能見鋒穎之狀

徐樂

樂燕郡無終人元光中爲郎中

上武帝書言世務

臣聞天下之患在于土崩不在瓦解。古今一也。何謂土崩？秦之末世是也。陳涉無千乘之尊，尺土之地，身非王公大人，名族之後，無鄉曲之譽，非有孔墨、留子之賢，陶朱、猗頓之富也。然起窮巷，奮棘矜，偏袒大呼，而天下從風，此其故何也？由民困而主不恤，下怨而上不知，俗已亂而政不脩，此三者，陳涉之所召爲資也。是之謂土崩。故曰：天下之患在于土崩。何謂瓦解？吳、楚、齊、趙之兵是也。七國謀爲大逆，號皆稱萬乘之君，帶甲數十萬，威足以嚴其境內，財足以勸其士民，然不能西攘尺寸之地，而身爲禽于中原者，此其故何也？非權輕于匹夫，而兵弱于陳涉也。當是之時，先帝之德澤未衰，而安土樂俗之民眾，故諸侯無境外之助，此之謂瓦解。故曰：天下之患不在瓦解。由此觀之，天下誠有土崩之勢，雖布衣窮處之士，或首惡而危海內，陳涉是也。況三晉之君或存乎？天下雖未

有大治也。誠能無土崩之勢，雖有彊國勁兵，不得還踵而身爲禽矣。吳楚齊趙是也。況羣臣百姓能爲亂乎哉？此二體者，安危之明要也。賢主所留意而深察也。間者關東五穀不登，年歲未復，民多窮困，重之曰邊境之事，推數循理而觀之，則民且有不安其處者矣。不安故易動，易動者土崩之勢也。故賢主獨觀萬化之原，明于安危之機，脩之廟堂之上，而銷未形之患，其要期使天下無土崩之勢而已矣。故雖有彊國勁兵，陛下逐走獸，射蜚鳥，弘遊燕之囿，淫從恣之觀，極馳騁之樂，自若也。金石絲竹之聲，不絕于耳，帷帳之私，俳優侏儒之笑，不乏于前，而天下無宿憂，名何必湯武，俗何必成康？雖然，臣竊曰爲陛下天然之聖，寬仁之資，而誠曰天下爲務，則湯武之名不難侔，而成康之俗可復興也。此二體者立，然後處尊安之實，揚名廣譽于當世，親天下而服四夷，餘恩遺德爲數世隆，南面背宸，攝袂而揖王公，此陛下之所服也。臣聞圖王不成

其敝足已安。安則陛下何求而不得。何爲而不成。奚征而不服乎。

哉。

史記主父偃傳  
漢書徐樂傳

賜進士出身。品銜廣東等處提刑按察使司按察使兼管驛傳事務黃岡王毓藻校刊。

全漢文卷二十六終

全漢文卷二十六

徐樂

士



全漢文卷二十七

烏程嚴可均校輯

嚴安

安臨邛人爲丞相史終騎馬令

上書言世務

臣聞鄒子曰政教文質者所已云救也當時則用過則舍之有易則易之故守一而不變者未睹治之至也今天下人民用財侈靡車馬衣裘宮室皆競修飾調五聲使有節族雜五色使有文章重五味方丈于前已觀欲天下彼民之情見美則願之是教民已侈也侈而無節則不可瞻民離本而微末矣末不可徒得故摺紳者不憚爲詐帶劍者夸殺人已矯奪而世不知媿故姦軌浸長夫佳麗珍怪固順于耳目故養失而泰樂失而淫禮失而采教失而僞僞采淫泰非所已範民之道也是已天下人民逐利無已犯法者

衆臣願爲民制度。曰防其淫。使貧富不相耀。曰和其心。心既和平。其性恬安。恬安不營。則盜賊銷。盜賊銷。則刑罰少。刑罰少。則陰陽和。四時正。風雨時。草木暢茂。五穀蕃孰。六畜遂字。民不夭厲。和之至也。臣聞周有天下。其治三百餘歲。成康其隆也。刑錯四十餘年。而不用。及其衰。亦三百餘年。故五伯更起。伯者常佐天子興利除害。誅暴禁邪。匡正海內。曰尊天子。五伯旣沒。賢聖莫續。天子孤弱。號令不行。諸侯恣行。疆陵弱。衆暴寡。田常篡齊。六卿分晉。並爲戰國。此民之始苦也。于是疆國務攻。弱國修守。合從連衡。馳車擊轂。介冑生蟻。民無所告愬。及至秦。玉蠶食天下。并吞戰國。稱號皇帝。一海內之政。壞諸侯之城。銷其兵。鑄曰爲鍾虡。示不復用。元元黎民。得免于戰國。逢明天子。人人自己爲更生。鄉使秦緩刑罰。薄賦斂。省徭役。貴仁義。賤權利。上篤厚。下佞巧。變風易俗。化于海內。則世世必安矣。秦不行是風。循其故俗。爲知巧權利者進。篤厚忠

正者退。法嚴令苛。調諛者眾。目聞其美。意廣心逸。欲威海外。使蒙恬將兵。已北攻彊胡。辟地進境。戍于北河。飛芻輓粟。已隨其後。又使尉佗屠睢。將樓船之士。攻越。使監祿鑿渠運糧。深入越地。越人遁逃。曠日持久。糧食乏絕。越人擊之。秦兵大敗。秦乃使尉佗將卒。已戍越。當是時。秦禍北構于胡。南挂于越。宿兵于無用之地。進而不得。退行十餘年。丁男被甲。丁女轉輸。苦不聊生。自經于道樹死者相望。及秦皇帝崩。天下大叛。陳勝吳廣舉陳。武臣張耳舉趙。項梁舉吳。田儵舉齊。景駒舉郢。周市舉魏。韓廣舉燕。窮山通谷。豪士竝起。不可勝載也。然本皆非公侯之後。非長官之吏。無尺寸之執。起閭巷。杖棘矜。應時而動。不謀而俱起。不約而同會。壤長地進。至平伯王。時敎使然也。秦貴爲天子。富有天下。滅世絕祀。窮兵之禍也。故周失之弱。秦失之彊。不變之患也。今徇南夷。朝夜郎。降羌僰。略葭州。建城邑。深入匈奴。燔其龍城。議者美之。此人臣之利。非天

下之長策也。今中國無狗吠之警，而外累于遠方之備，靡敝國家，非所曰子民也。行無窮之欲，甘心快意，結怨于匈奴，非所曰安邊也。禍罕而不解，兵休而復起，近者愁苦，遠者驚駭，非所曰持久也。今天下鍛甲摩劍，矯箭控弦，轉輸軍糧，未見休時，此天下所共憂也。夫兵久而變起，事煩而慮生。今外郡之地或幾千里，列城數十，形束壤制，帶脅諸侯，非宗室之利也。上觀齊晉所曰亡，公室卑削，六卿大盛也。下覽秦之所曰滅，刑嚴文刻，欲大無窮也。今郡守之權，非特六卿之重也。地幾千里，非特閭巷之資也。甲兵器械，非特棘矜之用也。曰逢萬世之變，則不可勝諱也。漢書嚴安傳又史記主父偃傳少篇首二

百七十  
七字

終軍

軍字子雲，濟南人。武帝時拜謁者給事中，擢爲諫大夫，使南越，爲呂嘉所攻殺。

白麟奇木判

臣聞詩頌君德樂舞后功異經而同指明盛德之所隆也南越竄  
屏葭葦與烏魚羣正朔不及其俗有司臨境而東甌內附閩王伏  
辜南越賴救北胡隨畜薦居禽獸行虎狼心上古未能攝大將軍  
秉鉞單于犇幕票騎抗旌昆邪右社是澤南洽而威北暢也若罰  
不阿近舉不遺遠設官竢賢縣賞待功能者進曰保祿罷者退而  
勞力刑于宇內矣履眾美而不足懷聖明而不專建三宮之文質  
章厥職之所宜封禪之君無聞焉夫天命初定萬事草創及臻六  
合同風九州共貫必待明聖潤色祖業傳于無窮故周至成王然  
後制定而休徵之應見陛下盛日月之光垂聖思于勒成專神明  
之敬奉燔瘞于郊宮獻享之精交神積和之氣塞明而異獸來獲  
宜矣昔武王中流未濟白魚入于王舟俯取曰燎羣公咸曰休哉  
今郊祀未見于神祇而獲獸曰饋此天之所召示饗而上通之符

合也。宜因昭時今日，改定告元。苴曰白茅于江淮，發嘉號于營丘。曰應緝熙，使著事者有紀焉。蓋六鵠退飛逆也，白魚登舟順也。夫明闇之徵，上亂飛鳥，下動淵魚，各曰類推。今野獸并角，明同本也。眾支內附，示無外也。若此之德，殆將有解編髮，削左衽，襲冠帶，要衣裳，而蒙化者焉。斯拱而俟之耳。漢書終軍傳從上幸雍祠五時，木其枝，菊出輒復合于木上，上異此二物，博謀羣臣。軍上對云云，對奏上甚異之，由是改元爲元狩。奉詔詰徐偃矯制狀。

古者諸侯國異俗分，百里不通。時有聘會之事，安危之執，呼吸成變。故有不受辭，造命顓己之宜。今天下爲一，萬里同風，故春秋王者無外，偃巡封域之中，稱曰出疆何也？且鹽鐵郡有餘臧，正二國廢國家不足，曰爲利害，而曰安社稷存萬民爲辭何也？

膠東南近琅邪，北接北海，魯國西枕泰山，東有東海，受其鹽鐵，偃度四郡口數田地，率其用器食鹽，不足曰并給二郡邪？將執宜有

餘而吏不能也。何曰言之。偃矯制而鼓鑄者。欲及春耕種。贍民器也。今魯國之鼓。當先具其備。至秋乃能舉火。此言與實反者。非偃已前三奏無詔。不惟所爲不許。而直矯作威福。曰從民望。干名采譽。此明聖所必加誅也。枉尺直尋。孟子稱其不可。今所犯罪重。所就者小。偃自予必死而爲之邪。將幸誅不加。欲曰采名也。漢書終軍傳

自請使匈奴

軍無橫草之功。得列宿衛。食祿五年。邊境時有風塵之警。臣宜被堅執銳。當矢石。啟前行。駑下不習金革之事。今聞將遣匈奴使者。臣願盡精厲氣。奉佐明使。晝吉凶于單于之前。臣年少材下。孤于外官。不足曰亢一方之任。竊不勝憤懣。漢書終軍傳

自請使南越

願受長纓。必羈南越王而致之闕下。

漢書終軍傳

吾丘壽王

壽王字子贛，趙人。武帝時待詔，遷侍中、中郎，坐法免，復召爲郎，拜東郡都尉，入爲光祿大夫、侍中，後坐事誅。有集二卷。

議禁民不得挾弓弩對

臣聞古者作五兵，非弓相害，弓禁暴討邪也。安居則弓制猛獸而備非常，有事則弓設守衛而施行陳。及至周室衰微，上無明王，諸侯力政，疆侵弱，眾暴寡，海內抗傲，巧詐益生，是弓智者陷愚，勇者威怯，苟弓得勝爲務，不顧義理，故機變械飾，所弓相賊害之具，不勝數。于是秦兼天下，廢王道，立私議，滅詩書而守法令，去仁恩而任刑戮，墮名城，殺豪傑，銷甲兵，折鋒刃，其後民弓獲鉏耰挺相撻擊，犯法滋眾，盜賊不勝。至于赭衣塞路，羣盜滿山，卒弓亂亡，故聖王務教化而省禁防，知其不足恃也。今陛下昭明德，建太平，舉俊材，興學官，三公有司或由窮巷，起白屋，裂地而封，宇內日化，方外鄉風，然而盜賊猶有者，郡國二千石之罪，非挾弓弩之過也。禮



曰男子生桑弧蓬矢曰舉之明示有事也。孔子曰吾何執執射乎。大射之禮曰天子降及庶人三代之道也。詩云大侯既抗弓矢斯張射夫既同獻爾發功言貴中也。愚聞聖王合射曰明教矣。未聞弓矢之爲禁也。且所爲禁者爲盜賊之曰攻奪也。攻奪之罪死然而不止者大姦之于重誅固不避也。臣恐邪人挾之而吏不能止。良民曰自備而抵法禁是擅賊威而奪民救也。竊曰爲無益于禁姦而廢先王之典使學者不得習行其禮大不便。漢書吾上壽王奏言民不得挾弓弩上下其議壽王對

驃騎論功論

驃騎將軍霍去病征匈奴立克勝之功壽王作士大夫之論稱武帝之德曰士或問于大夫曰側聞強秦之用兵也南不踰五嶺北不渡大河海內愁怨曰喪其國漢興六十餘載矣命將帥曰抗憤用于戈于四荒南排朱崖北建朔方東越滄海西極河源拓地萬

里海內晏然。鄙人不識。敢問其蹤。大夫曰。昔秦之得天下也。曰力而不曰德。曰詐而不曰誠。內用商鞅李斯之謀。外用白起王翦之兵。窺閭伺隙。既并海內之後。曰威力爲至道。曰權詐爲要術。遂非唐笑虞。絕滅舊章。防禁文學。行是古之戮。嚴誹謗之謀。十餘年。遂滂沱而盈溢。是故皇天疾滅。更命大漢。反秦政。務在敦厚。至今六世。可謂富安。天子文明。四夷向風。徒觀朝廷下僚門戶之士。謀如湧泉。動如駭機。皆能安中國。吞四夷。君臣若茲。何慮而不成。何征而不尅。雖拔泰山。填滄海。可也。藝文類聚五十九

游童牧豎。詠德謳吟。文選潘岳藉田賦注

失題

心如飢虎。志若秋鷹。北堂書鈔十四

主父偃

偃齊國臨菑人。元光中。爲郎中。遷謁者。中郎中。大夫。元朔中。爲

齊相呂功齊王令自殺微下吏族誅

上書諫伐匈奴

臣聞明主不惡切諫。臣博觀忠臣。不敢避重誅。臣直諫。是故事無遺策。而功流萬世。今臣不敢隱忠。避死。已效愚計。願陛下幸赦而少察之。司馬法曰。國雖大。好戰必亡。天下雖平。忘戰必危。天下既平。天子大凱。春蒐。秋獮。諸侯春振旅。秋治兵。所已不忘戰也。且夫怒者逆德也。兵者凶器也。爭者末節也。古之人君。一怒必伏尸流血。故聖王重行之。夫務戰勝窮武事者。未有不悔者也。昔秦皇帝任戰勝之威。蠶食天下。并吞戰國。海內爲一。功齊三代。務勝不休。欲攻匈奴。李斯諫曰。不可。夫匈奴無城郭之居。委積之守。遷徙鳥舉。難得而制也。輕兵深入。糧食必絕。踵糧已行。重不及事。得其地不足已爲利也。遇其民不可役而守也。勝必殺之。非民父母也。靡敝中國。快心匈奴。非長策也。秦皇帝不聽。遂使蒙恬將兵攻胡。辟

地千里、曰河爲境地、固澤鹵、不生五穀、然後發天下丁男、曰守北河、暴兵露師、十有餘年、死者不可勝數、終不能踰河而北、是豈人眾不足、兵革不備哉、其勢不可也、又使天下蜚芻輓粟、起于東脰、琅邪、負海之郡、轉輸北河、率三十鍾而致一石、男子疾耕、不足于糧、饑女子紡績、不足于帷幕、百姓靡敝、孤寡老弱、不能相養、道路死者相望、蓋天下始畔秦也、及至高皇帝定天下、略地于邊、聞匈奴聚于代谷之外、而欲擊之、御史成進諫曰、不可、夫匈奴之性、獸聚而鳥散、從之如搏影、今曰陛下盛德攻匈奴、臣竊危之、高帝不聽、遂至于代谷、果有平城之圍、高皇帝蓋悔之甚、乃使劉敬往結和親之約、然後天下亡干戈之事、故兵法曰、興師十萬、日費千金、夫秦常積眾暴兵數十萬人、雖有覆軍殺將、係虜單于之功、亦適足曰結怨深讎、不足曰償天下之費、夫上虛府庫、下敝百姓、甘心於外國、非完事也、夫匈奴難得而制、非一世也、行盜侵驅、所曰爲

業也。天性固然。上及虞夏殷周。固弗程督禽獸畜之。不屬爲人夫。上不觀虞夏殷周之統。而下修近世之失。此臣之所大憂。百姓之所疾苦也。且夫兵久則變生。事苦則慮易。乃使邊境之民靡敝愁苦。而有離心。將吏相疑。而外市。故尉佗章邯得呂成其私也。夫秦政之所已不行者。權分乎二子。此得失之效也。故周書曰。安危在出令。存亡在所用。願陛下詳察之。少加意而熟慮焉。史記王父偃傳上書闕下

所言九事其八事爲律令一事  
陳俊何氏又撰書主父偃傳

說武帝令諸侯得分封子弟

古者諸侯。不過百里。疆弱之形。易制。今諸侯或連城數十。地方千里。緩則驕奢。易爲淫亂。急則阻其疆而合從。已逆京師。今已法割削之。則逆節萌起。前日鼂錯是也。今諸侯子弟或十數。而適嗣代立。餘雖骨肉。無尺地之封。則仁孝之道不宣。願陛下令諸侯得推恩分子弟。已地侯之。彼人人喜得所願。上已德施。實分其國。不削

而稍弱矣

史記主父偃傳漢書主父偃傳

說武帝徙豪桀茂陵

茂陵初立天下豪桀并兼之家亂眾之民皆可徙茂陵內實京師

外銷姦猾此所謂不誅而害除

史記主父偃傳漢書主父偃傳

路博德

博德西河平州人為右北平太守封祁離侯入為衛尉拜伏波

將軍後坐法失侯為彊弩都尉屯居延

奏留李陵

方秋匈奴馬肥未可與戰臣願留陵至春俱將酒泉張掖騎各五

千人並擊東西浚稽可必禽也

漢書李陵傳天漢二年詔彊弩都尉路博德將兵半道迎陵軍博德

故伏波將軍亦差為陵後距奏言云云書奏上怒

霍去病

去病河東平陽人武帝衛皇后姊子年十八為侍中呂票姚校

尉再從衛青出塞元朔末封冠軍侯元狩中爲驃騎將軍拜大司馬六年卒諡曰景桓侯

請立皇子爲諸侯王疏

大司馬臣去病昧死再拜上疏皇帝陛下陛下過聽使臣去病待罪行閒宜專邊塞之思慮暴骨中野無呂報乃敢惟他議曰千用事者誠見陛下憂勞天下哀憐百姓已自忘虧膳貶樂損郎員皇子賴天能勝衣趨拜至今無位號師傅官陛下恭讓不恤羣臣私望不敢越職而言臣竊不勝犬馬心昧死願陛下詔有司因盛夏吉時定皇子位唯陛下幸察臣去病昧死再拜曰聞皇帝陛下

三王世家元狩六年三月乙亥御史臣光守尚書令奏未央宮制曰下御史

霍光

光字子孟去病弟少爲郎元鼎初遷奉車都尉光祿大夫後元末爲大司馬大將軍受遺封博陸侯輔政訖昭帝世迎昌邑王

入嗣尋行廢立事地節二年卒諡曰宣成侯

病篤上宣帝書謝恩

願分國邑三千戶曰封兄孫奉車都尉山爲列侯奉兄驃騎將軍

去病祀

漢書霍光傳

責過魏相

幼主新立曰爲函谷京師之固武庫精兵所聚故曰丞相弟爲關

都尉子爲武庫令今河南太守不漢惟國家大策苟見丞相不在

而斥逐其子何淺薄也

漢書魏相傳遷河南太守會丞相車千秋

而相治郡嚴適自免去西至長安大將軍霍光責過相云云下廷尉獄

莊芷

莊芷漢書作嚴正壽春人

上書發淮南王陰事

毒藥苦于口利于病忠言逆于耳利于行今淮南王孫建材能高



淮南王王后荼荼子太子遷常疾害建建父不害無罪擅數捕繫  
欲殺之今建在可徵問具知淮南陰事史記淮南王傳王有孽子  
不害最長不害子建材高  
有氣使所善壽春莊世上書  
天子又見漢書淮南王傳

謬忌

忌濟陰亳人

奏祠太一方

天神貴者太一太一佐曰五帝古者天子曰春秋祭太一東南郊

用漢書作  
日一

太牢七日爲壇開八通之鬼道史記封禪書漢  
書郊祀志上

莊熊羆

熊羆爵里未詳漢書作羆  
熊無羆字

上言穿商洛渠

臨晉民願穿洛曰溉重泉曰東萬餘頃攻鹵地漢書作誠  
故惡地誠得水漢書

作誠即  
得水

可令畝十石史記河渠書  
漢書溝洫志

賜進士出身三品銜廣東等處提刑按察使司按察使兼管驛傳事務黃岡王毓藻校刊